



Монгол Улсын
Засгийн Газар

САНХҮҮ ЭДИЙН ЗАСГИЙН ЯАМ ЯДУУРЛЫН СУДАЛГААНЫ НЭГЖ



Mongolia

НҮБ-ын ХХ/ШОУХА “Ядуурлын Судалгаа, Хөдөлмөр
Эрхлэлтийг Дэмжих”, МОН/01/Ю01 төсөл

СУДАЛГААНЫ ТАЙЛАН

“МАЛЧДЫН ХӨРӨНГИЙГ ЭДИЙН ЗАСГИЙН ЭРГЭЛТЭНД ОРУУЛАХ АРГА ЗАМЫН ҮНЭЛГЭЭ”



Улаанбаатар хот
2004 он

Санхүү Эдийн Засгийн Яам
Ядуурлын Судалгааны Нэгж

НҮБ-ын ХХ/ШОУХА “Ядуурлын Судалгаа, Хөдөлмөр
Эрхлэлтийг Дэмжих”, МОН/01/Ю01 төсөл

СУДАЛГААНЫ ТАЙЛАН

“МАЛЖУУЛАЛТААР МАЛЧИН ӨРХҮҮДИЙН ОРЛОГЫГ НЭМЭГДҮҮЛЖ, АМЬЖИРГААГ БАТАЛГААЖУУЛАХ СТРАТЕГИЙН ҮР ДҮНГ ҮНЭЛЭХ НЬ”

Тайлан бичсэн:

Л.Наранхүү
Д.Шомбодон
Б.Жандагсүрэн
С.Амгаа
Ц.Алтанбат

Зөвлөх:

Ричард Маршал, ЯСН
Ш. Мөнхцэрэн, ЯСН

ӨМНӨХ ҮГ

Монгол улсын Засгийн газар болон НҮБ-ын Хөгжлийн Хөтөлбөр, Шведийн Засгийн газар/ШОУХАН-ээс хамтран хэрэгжүүлж буй “Ядуурлыг бууруулах хөдөлмөр эрхлэлтийг дэмжих” МОН/01/Ю01 төсөл 2001 оны 7 дугаар сараас хэрэгжиж байна. Энэхүү төслийн хүрээнд Санхүү, эдийн засгийн яамны дэргэд Ядуурлын судалгааны нэгжийг байгуулан ажиллаж байна.

Төслийн гол зорилгын нэг нь Ядуурлыг бууруулах бодлого, үйл ажиллагааг сайжруулан хэвшүүлэхэд чухал хэрэгсэл болох ядуурлын судалгаа хийх, хяналт тавих, дүн шинжилгээ хийж, бодлого боловсруулах, үндэсний чадавхийг бэхжүүлэх явдал бөгөөд Ядуурлын судалгааны нэгжээс дээрх зорилтын хүрээнд хэд хэдэн судалгааг 2003 онд гэрээгээр хийлгэснээс энэ удаа “Малжуулалтаар малчин өрхийн орлогыг нэмэгдүүлж, амьжиргааг баталгаажуулах стратегийн үр дүнг үнэлэх нь” судалгааны тайланг Та бүхэнд толилуулж байна.

Сүүлийн жилүүдэд байгаль, цаг уурын нөлөөллөөс болж ядуурал, ялангуяа малчид ядуусын эгнээд шилжин орох эрсдэл бий болж байгаатай уялдан тэдний эрх ашгийг хамгаалах үүднээс судалгааны үндэслэлтэй шийдвэр гаргах нь тулгамдсан асуудлын нэг болоод байна. Судалгаа нь мал аж ахуйн салбарын үйл ажиллагаа болон хэрэгжүүлж буй арга хэмжээнд үнэлгээ өгч, малчдын орлогыг нэмэгдүүлэх боломжийг судалж, тодорхой зөвлөмжүүдийг гаргаснаараа малчдын нийгмийн амьдралд чухал үүрэг гүйцэтгэнэ гэж үзэж байна.

Монгол улсын Засгийн газраас Эдийн засгийн өсөлтийг дэмжиж, ядуурлыг бууруулах стратегийн баримт бичгийг батлан хэрэгжүүлж эхлээд байгаа өнөө үед судалгааны тайлан гарч байгаа нь баримт бичгийн хүрээнд, ядуурлыг бууруулахаар авч хэрэгжүүлэх үйл ажиллагаанд тусгалаа олох боломжтой.

Малжуулах хөтөлбөрийн үр дүнгийн талаар хийгдсэн дээрх судалгааны ажлыг Хөдөө Аж Ахуйн Их Сургуулийн эрдэмтэн багш нараас бүрдсэн баг долоон сарын хугацаанд хийж гүйцэтгэсэн бөгөөд судалгааны дүнг Ядуурлын судалгааны нэгжээс зохион байгуулсан Бүсийн болон Үндэсний таван удаагийн семинараар хэлэлцүүлж, орон нутгийн бодлого боловсруулагчдын саналыг тусгаснаараа оролцоог тодорхой хэмжээнд хангасан судалгаа боллоо гэж бид дүгнэж байна. Ядуурлын судалгааны нэгжээс судалгаануудын дүн болон зөвлөмжүүдийг нэгтгэн бодлого боловсруулагчдад хүргүүлэх болно.

Санхүү, эдийн засгийн яамны
Эдийн засгийн нэгдсэн бодлого,
Төлөвлөлтийн газрын дарга

/Ж.ЖАРГАЛСАЙХАН/

НҮБ-ын Хөгжлийн Хөтөлбөрийн
“Ядуурлын судалгаа, Хөдөлмөр эрхлэлтийг
дэмжих” Төслийн Үндэсний Менежер

/П.ЦЭЦГЭЭ/

АГУУЛГА

Төслийн багийн танилцуулга	5
Хүснэгт	6
Зураг	7
Товчилсон үгийн тайлбар	8
НЭГДҮГЭЭР БҮЛЭГ. УДИРТГАЛ	
Оршил	9
Судалгааны зорилго	10
Судалгааны зохион байгуулалт	10
Судалгаанд ашигласан тоо мэдээ	12
Анкет асуулгын судалгааны үндсэн агуулга	13
ХОЁРДУГААР БҮЛЭГ. СУДАЛГААНЫ АРГА ЗҮЙ	
Судалгааны материалд боловсруулалт хийсэн арга зүй	16
Түүвэрлэлт	17
ГУРАВДУГААР БҮЛЭГ. МАЛЖУУЛАЛТЫН ШАЛТГААН	
Монголын малчдын нийгэм, эдийн засгийн өнөөгийн байдал	21
Бэлчээрийн мал аж ахуйн онцлог, давуу ба сул талууд	23
Малжуулах арга хэмжээг явуулах болсон шалтгаан	28
ДӨРӨВДҮГЭЭР БҮЛЭГ. МАЛЖУУЛАХ ҮЙЛ ЯВЦ	
Малжуулах арга хэмжээнд хамрагдсан аймаг сум, өрх, малын тоо	30
Судалгаанд хамрагдсан аймгуудын малжуулах үйл явц	34
Малжуулах арга хэмжээг зохион байгуулсан байгууллагууд	44
Малжуулах айл өрхийг сонгосон шалгуур	49
ТАВДУГААР БҮЛЭГ. МАЛЖУУЛАЛТЫН ҮР ДҮН, ТҮҮНД НӨЛӨӨЛСӨН ХҮЧИН ЗҮЙЛС	
Малжуулалтад хамрагдсан өрхийн малын тоо, бүтэц	54
Малжуулалтын үр дүнгийн талаарх үнэлэлт	55

**ЗУРГААДУГААР БҮЛЭГ. МАЛЖУУЛАХ АРГА ХЭМЖЭЭГ
БОЛОВСРОНГУЙ БОЛГОХ АРГА ЗАМ**

Малжуулах арга хэмжээг боловсронгуй болгох арга замын талаарх бодол санал	67
Малчдын ирээдүйн талаарх төсөөлөл	68

**ДОЛООДУГААР БҮЛЭГ. МАЛЧИН ӨРХИЙН АМЬЖИРГААГ
САЙЖРУУЛАХ АРГА ЗАМ**

Малчин өрхийн амьжиргааг сайжруулах зорилтын онцлог	70
Малчин өрхийн амьжиргааг сайжруулах талаар авах арга хэмжээний тогтолцоо	73
Малжуулалт явуулахад баримтлах загвар	74

НАЙМДУГААР БҮЛЭГ. ЗӨВЛӨМЖ БА ДҮГНЭЛТ

Малжуулалтаар олгох малын тоо, түүний бүтэц	76
Малжуулах үйл ажиллагааг боловсронгуй болгох талаар	76
Малчин өрхийн амьжиргааг сайжруулах талаар	77
Ерөнхий дүгнэлт	80
Ашигласан материал	82

ТОВЧИЛСОН ҮГСИЙН ТАЙЛБАР

СЭЗЯ	Санхүү Эдийн Засгийн Яам
ЯСН	Ядуурлын судалгааны нэгж
НҮБ	Нэгдсэн Үндэсний Байгууллага
НҮБХХ	Нэгдсэн Үндэсний Байгууллагын Хөгжлийн Хөтөлбөр
ХААХОУС	Хөдөө аж ахуйг хөгжүүлэх олон улсын сан
ХХААЯ	Хүнс Хөдөө Аж Ахуйн Яам
ХААИС	Хөдөө Аж Ахуйн Их Сургууль
ЭЗБС	Эдийн засаг бизнесийн сургууль
ХАА	Хөдөө аж ахуй
МАА	Мал аж ахуй
ЯБХ	Ядуурлыг бууруулах хөтөлбөр

Аймагууд:

БХ	Баянхонгор
БӨ	Баян-Өлгий
СҮ	Сүхбаатар
ХӨ	Хөвсгөл

боловч хөдөөгийн ядуурсан малчдын амьжиргааг сайжруулахад малжуулахаас өөр арга зам байхгүй байгаа юм. Энэ нь малжуулах арга хэмжээг хэрэгжүүлэх арга хэлбэрийг илүү боловсронгуй болгохыг шаардаж байна.

Завхан аймагт хэрэгжсэн малжуулах арга хэмжээний тойм

4.11. 1999-2000 оны зүгэд Завхан аймаг малаа ихээр хорогдуулж, олон малчин өрхийн амьжиргааны эх үүсвэр алдагдсан нь малжуулах арга хэмжээ хэрэгжүүлэх шалтгаан болсон байна. Тус аймагт ган, зүгэд хүчтэй нэрвэгдэж, амь зуулгын хэдэн малтай үлдсэн буюу огт малгүй болсон малчин өрхүүдийг малжуулахад дараах байгууллага, сангууд оролцсон байна.

Хүснэгт 4.4

Малжуулах төслийг хэрэгжүүлэгчид

	Санхүүжүүлэгч	Санхүүжилтийн хэмжээ, сая төг	Хамрагдсан сум	Төсөл эхэлсэн	Хугацаа Жилээр
1	Дэлхийн банк	313,8	8	2000	5
2	Санкей сан (Япон)	120,9	11	2000	5
3	Ерөнхийлөгчийн сан	10,7	1	2001	2

4.12. Тухайлбал, 2000 онд Дэлхийн банкны зээлээр зүгэд хүчтэй нэрвэгдсэн 8 сумын 380 өрхийг малжуулахад 313,8 сая төгрөгийн хөрөнгө зарцуулсан байна. Энэ арга хэмжээний хүрээнд нийт 27123 толгой малыг 5 жилийн хугацаатай зээлийн хэлбэрээр олгосон байна. Мөн энэ онд Япон улсын Санкей сангийн санхүүжилтээр 2000 онд 11 сумын 180 өрхөд 120.9 сая төгрөгийг эргүүлэн төлөх болзолтойгоор мал худалдан авах зээл олгосон бол 2001 онд Яруу суманд Монгол улсын Ерөнхийлөгчийн нэрэмжит сангаас 11 өрхөд 10.7 сая төгрөгийн санхүүжилт хийж малжуулжээ.

4.13. Малжуулах төсөлд тус аймгийн 20 сумын 571 малчин өрхөд 39702 толгой малыг худалдан авах зориулалттай зээл олгож энэ арга хэмжээнд гадаад болон дотоод эх үүсвэрээс нийт 445.7 сая төгрөгийг зарцуулжээ.

4.14. Дэлхийн банкны зээлээр санхүүжүүлсэн малжуулах арга хэмжээний хувьд бодод шилжүүлсэнээр 10-аас доош тооны малтай, мал маллах арга туршлагатай, зээлээ төлөх чадвартай эсвэл хөндлөнгийн баталгаатай, өөрийн өвөлжөө, хаваржаатай малчин өрхийг малжуулахаар журам гаргасан боловч энэ нь зарим талаар Завхан аймагт зөрчилдсөн байлаа. Тухайлбал, судалгаанд хамрагдсан өрхийн 11% өөрийн өвөлжөөгүй, 15% нь өөрийн хаваржаагүй байсны дээр зарим суманд малжуулалтанд хамрагдах болзолтой өрхүүдийг сонгон шалгаруулахдаа танил тал, ах дүүгээрээ нийлэн багийн хуралд зонхилох хувийг эзлэн шийдвэр гаргуулсан байв.

Шигтгээ 3

Завхан аймагт “Санкей” сонины санхүүжилтээр нийт 122,5 сая төгрөгөөр 11855 толгой мал худалдан авч, малжуулалтаар олгосон малын даатгалд 8,7 сая төгрөгийг шилжүүлж, 1 дэх жилийн 6% хүү 8,7 сая төгрөгөөр мал эмнэлэг үржлийн албаны дэргэд сан байгуулжээ. Малжуулах төсөлд хамрагдсан сумдад 10-15 өрхийг малжуулсан боловч Улиастай сумын иргэдээс малжуулах төсөлд хамруулж өгөхийг хүссэн өрхийн тоо 259 байсныг харгалзан үзэж бусад 10 суманд хуваарилсан хөрөнгөөс нэг жилийн хүүтэй тэнцэх хэмжээний 8,7 сая төгрөгөөр нэмж малжуулан нийт 73 өрхийг малжуулж байсан байна.

Английн түншлэлийн хөтөлбөр

4.57. Малжуулах арга хэмжээг анх 1998 оноос эхлэн Английн түншлэлийн хөтөлбөрийн санхүүжилтээр Баян-Өлгий, Баянхонгор, Дорнод, Баян-Өлгий, Хөвсгөл, Увс, Сүхбаатар аймгийн нийт 19 сумын цөөн малтай буюу огт малгүй 473 ядуу өрхийг хамруулан туршилтын журмаар хэрэгжүүлсэн байна. Түүний санхүүжилтэнд 119 сая төгрөг зарцуулжээ. Энэ төсөл нь 3 жилийн хугацаатай, малын толгойгоор олгогдох зээл байсан бөгөөд эмзэг бүлгийн орлого нэмэгдүүлэх жижиг зээлийн зарчмыг баримтлан хэрэгжүүлжээ. Тус малжуулах төсөлд хамрагдсан нэг өрхөд 150,0-300,0 мянган төгрөгийн өртөг бүхий эрүүл, чанар сайтай төллөх бог малыг зээлээр олгосон байна. Малжуулах уг арга хэмжээний хүрээнд нийт 11225 мал худалдан авч өгсөн байна.

Ерөнхийлөгчийн хөдөөг хөгжүүлэх сан

4.58. Монгол улсын Ерөнхийлөгч өөрийн төрсөн нутаг болох Завхан аймгийн Яруу суманд малаа хорогдуулсан буюу огт малгүй болсон малчин өрхийг малжуулах зорилгоор 2001 онд хөдөөг хөгжүүлэх сангаас 11 сая төгрөгийн хөрөнгөөр 11 өрх айлыг малжуулж 724 толгой мал олгожээ.

Бусад байгууллага, хүмүүс

4.59. Мөн Японы Төрийн бус байгууллагаас Хандивласан 1,6 сая төгрөгийн хөрөнгөөр Өмнөговь аймгийн 3 өрхийг малжуулсан байна.

4.60. Улсын Их Хурлын зарим гишүүд өөрийн төрсөн нутаг, сонгодсон тойрогийнхоо малчин өрхүүдийг малжуулж байсан тохиолдол бий.

4.66. Малжуулах төслийг хэрэгжүүлэхэд аймгийн удирдлагын үндсэн үүрэг нь малжуулалтанд хамрагдах сумдыг тогтоох (59.7%), сумдын удирдлагын үндсэн үүрэг нь малжуулалтанд хамрагдах баг өрхийг тогтоох (25.8%), мал нийлүүлэх байгууллага, хүмүүстэй гэрээ хийх (19.8%), харин багийн удирдлагын үндсэн үүрэг нь малжуулалтанд хамрагдах малчин өрхийн нэрсийг зохих дүрэм, зааврын дагуу гаргаж өгөх (39.9%), мал хуваарилах (29.3%) явдал байсан байна.

Малжуулах хөтөлбөрийг хэрэгжүүлсэн аймаг, сумдын онцлог, давуу ба сул талууд

Аймаг	Төсөл хэрэгжүүлсэн байгууллага	Давуу тал, онцлог	Сул тал
Дундговь	Дэлхийн банк	5 жилийн хугацаатай зээлийн хэлбэрээр мал олгосон ба олгосон малын дотор эр сувай мал өгсөн. Малгүй цөөн малтай өрхийг малжуулахыг эрмэлзсэн. Олон малтай зарим өрх хамаатан садандаа хямд үнээр мал өгөх, зарим нь тэднийг дагалдуулан ажиллуулж малжуулсан. Зарим тохиолдолд сумын төсвөөс мөнгө гаргаж малжуулсан.	Малжуулах арга хэмжээний тайлан, малжуулалтын Үр дүнгийн мэдээллийг хугацаанд нь гаргах, хүргэх талаар зарим алдаа дутагдал гарч байсан. Зарим сумын олон малтай өрхүүдийг малжуулсан. Гэтэл цөөн малтай өрхүүд малжуулалтанд хамрагдах хүсэлт гаргасан боловч тэд бүрэн хамрагдаж чадаагүй.
Завхан	Дэлхийн банк “Санкей” сонин Ерөнхийлөгчийн хөдөөг хөгжүүлэх сан	5 жилийн хугацаатай зээлийн хэлбэрээр мал олгосон. Цөөн малтай буую огт малгүй өрхийг малжуулсан. Бодод шилжүүлсэнээр 10-аас доош тооны малтай, мал маллах туршлагатай өрхийг малжуулах журам хэрэглэсэн.	Өвөлжөө хаваржаагүй нилээд өрхийг малжуулж зөрчил гаргасан. Малжуулалтанд хамрагдах болзолтой өрхүүдийг сонгон шалгаруулахдаа танил тал, ах дүүгээрээ нийлэн багийн хуралд зонхилох шийдвэр гаргуулж байсан.
Баянхонгор	Дэлхийн банк “Санкей” сонин Английн хүүхдийг ивэх сан “Малын буян” төсөл	6 жилийн хугацаатайгаар зээлийн хэлбэрээр олгосон. Малжуулалт явуулсан онцлог зөвхөн ган, зуд болсон хойд талын сумдад хэрэгжүүлсэн. Тодорхой тооны малтай өрхүүдэд мал өгсөн. 1 айлд хамгийн олон мал өгсөн. 3 жилийн хугацаатай, 5 хувийн хүүтэй зээлээр олгосон.	Багийн хурлаар малжуулалтыг хэлэлцүүлэх нь танил тохой ихтэй хүмүүс малжуулалтанд хамрагдаж байна. Иймд сумдын удирдлага багаас гарч ирсэн хүмүүсийг нягтлан үзэж өөрчилж байх. Галуут сум ганц ч гадны төсөлд хамрагдаагүй дутагдал гарсан.
Хөвсгөл	Хөдөө аж ахуйг хөгжүүлэх олон улсын сан Английн туншлэлийн хөтөлбөр	9 жилийн хугацаатайгаар зээлийн хэлбэрээр бод малыг 6 дахь, бог малыг 3 дахь жилээс нь эхлэн эргүүлж төлөх болзолтойгоор олгосон. Ихэнхи сум 10 дээш малтай хөрөнгийн баталгаатай өрхийг малжуулахад анхаарсан. 3 жилийн хугацаатай 5 хувийн хүүтэй олгосон. Малжуулалтыг харьцангуй сайн зохион байгуулсан. Малжуулсан өрхийн малыг вакцинажуулах, даатгалд хамруулах ажлыг сайн хийж байсан.	Зөрчил багатай хэрэгжүүлсэн. Харин малжуулах арга хэмжээний тайлан мэдээллийг хугацаанд нь гаргаж өгөөгүй дутагдал байсан. Малжуулалтанд хамрагдах айллыг зөв сонгож чадаагүйгээс Үр дүн буурсан.

